



Инсанланы тилеклерин эсепге алгъанды

Къабарты-Малкъарны Башчысы **Казбек Кокков** Кырал Думаны депутатлары **Геккиланы Заур**, **Виктория Родина** эм **Адалъби Шагошев** бла иши жумушну чеклеринде Басхан шахар округну активи бла тибешгендиле. Аны юсюнден республиканы оюнуусуну МАХ-да каналында билдириледи.

Тибешуноу кезиуонде жашау журт-коммунал мюлкде, кир-кипчиклени къаты къалган-къулгъанларын кетериу, жолланы эмда саулык саклауда, билим берилеу, спортда, маданият бөлүмде болгъан учрежденияланы халлары бла байламлы эм магъаналы соруулары сюзгендиле.

Шахар «Юйор» миллет проектке къатышканыны себебинде Басханнны терк ёсөп баргъан микрорайонунда 140 жери болгъан сабий

сад ишлене турады. Ол Юрий Гагаринни атын журютген жангы школну къатында орналынды. Эки къатылы мекамда 2000 квадрат метр боллукъду. Белгиленгенге кёре, къурулуш ишле келир жылны аягына бошалыргъа керекдиле.

Андан сора да, «Жаш тёлү эм сабийле» миллет проектни чеклеринде шахарны бешинчи школуну бир бөлүмюне тынгылы ремонт этилип бошала турады. Мында 204 сабий окуйдула. Саулайда Басхан шахар округда алты мектеп жангырылгъанды.

Шахарны эм Дыгулыбгей элде В.М. Кокков атлы Маданият юйлеринде «Юйор» миллет проектни чеклеринде сабийлеге деп маданий-жарыкъландыруу арала къураылгъандыла. Дагъыда Дыгулыбгейде Маданият юй бла поликлиника

жангырылыннганды. Басханда сабий поликлиника жангыртылып башланганды. Мекям 1964 жылда ишленгенди эм саулык саклау учреждениягъа жарарча 2009 жылда ремонт этилип жарашдырылгъан эди. Жарашдырылгъан проектге кёре мекамгъа фильм-бокс къошуллукъду эм ичинде отулараны да ёлчмеперин турлендирликдиле, битеу инженер коммуникацияла да алышынырыкъдыла.

Къурулуш ишле толусунлай 2028 жылда бошаллыкъдыла.

Алгъаракъда абаданлагъа эм сабийлеге деп ишленген поликлиникалагъа тынгылы ремонт этилген эди эм ала шёндююлю оборудование бла жалчытылыннгандыла. Бююнлюкде поликлиника бир сменагъа 750 адамны алаллыкъды,

анда кюндюз саулугъуна къаратып жатарча 40 ундурукъ да барды.

Бююнлюкде жамауат эм кёп фатарлы юйлени тийрелери тапландырыладыла, жоллагъа эм путепроводлагъа тынгылы ремонт этиледиле. «Инфраструктураны жашау ююн» миллет проектни чеклеринде жашау журт-коммунал мюлк жангыртылынады. Быйыл белгиленгенге кёре Победы, Черкесской, Хуранова эм Шапсугской атлы орамлада тургъан 5,5 километр суу ыз жангыртыллыкъды. Ары дери Дыгулыбгейде 4,2 километр коммуникациягъа тынгылы ремонт этилгенди.

Басхан шахарда жашагъанла бла тибешуу магъаналы эм кыйматлы болгъанды, аланы битеу айтхан тилеклери да эсепге алыннгандыла, деп айтылады билдириуде.

Прохладначыланы сорууларына тийишли оноула

КъМР-ни Башчысы **Казбек Кокков** Кырал Думаны депутатлары **Геккиланы Заур**, **Виктория Родина** эм **Адалъби Шагошев** бла Прохладначыланы шахарны активи бла тибешгенди. Тибешуноу кезиуонде шахарда жашагъанла бла бардыргъан ушакъла мунципалитетни экономикасын эм социал бөлүмюн айнаытыу бла байламлы магъаналы соруула сюзюлгендиле, деп билдириледи республиканы оюнуусуну МАХ-да каналында.

Сёзсюз, биринчи жерде социал махемеле болгъандыла. Шахарда билим беруу учрежденияла жан-

гыртылынадыла, экинчи номерли гимназиягъа, тёртюнюк номерли школгъа тынгылы ремонт этилгенди, быйыл ююнчоно номерли лицей жангыртылына турады.

Андан сора да, шёндю шахарны Маданият юйюне тынгылы ремонт этиле турады, мында къурулуш ишле келир жыл ноябрьде бошаллыкъдыла. Шахарда жол эмда коммунал инфраструктура айныиды.

Озгъан жыл Прохладначыл шахарда ахыр 50 жылны ичинде биринчи кере ара водоводка тынгылы ремонт этилип башланганды, белгиленгенге кёре жангыртуу ишле 4 километр

узунлукъда бардырыллыкъдыла. Андан сора да, 2026-2027 жыллада инвестиция программаны чеклеринде суу жалчыхтан системаны жангыртууу боллукъду. Дагъыда республикалы бюджетден алыннган ырысхыланы хайырындан Свободы, Промышленный, А. Головки атлы орамланы жолларына тынгылы ремонт этилгенди эмда ол жерледе тийреле шёндююлю мардалагъа кёре тапландырылгъандыла.

Беш жылны ичинде «Шахарда жашагъанлагъа тийишли болумланы ктурау» федерал проектни чеклеринде Прохладначылде 21 арбаз

эм тогъуз жамауат тийре тапландырылгъанды. Шёндю мында сквер «Огъары парк» тапландырылады, ЗАГС-ны къатында майдан да жангыртылына турады. Алгъадан этилген келишимге кёре шахарны маданият эм солуу паркы да жангыртыллыкъды.

Прохладначыла берген соруулары арасында жол эм коммунал инфраструктураны андан ары айнытыу, шахарны орамларын бла жамауат аслам журюген жерлерин андан ары тапландыруу эм башха соруула сюзюлгендиле. Битеу кётюрюлген соруулагъа къаралып, тийишли оноула этиликдиле, деп айтылады билдириуде.

Тинтиуле

Такта кёгетле бла жумуртхала — учуз, бал муз а — багъа

Быйыл июльда, аны аллында ай бла тенгешдиргенде, багъала 0,8 процентге кётюрюлгендиле. РФ-ни Банкны республикада бёлүмю аланы тинтип, туура этгенди.

Белгиленгенча, тауукъ жумуртхала тёрт аны ичинде учуз бола барадыла. Себеби — аланы сатыу кёбейгенди. Бишер кезиуери жетгенлери бла жемилше, такта кёгетле да, бегирекда бадыражанла, учууракъ болгъандыла.

Бал тузун багъасы уа кётюрюлгенди. Нек дегенде шёндю къышха къатыкъ хазырлау заман болгъаны ююн анга сурам кёбейгенди. Бал туз чоюндюрно къыстыргызы уа жайны ортасында азаяды.

Тауукъ эт да багъа болгъанды. Бир жаны бла, аны ёлчмечи азайгъанды, башха жаны бла уа, тийишли мюлкле отлукъгъа, ветеринар дарманлагъа эмда иш хакъгъа этген къоранчаларын аны багъасына къошхандыла. Бензиннге да къошулгъанды. Банкада аны сылтаун нефть жарашдыруучу заводланы бир-бирлеринде жангыртуу ишле бардырылгъанларында, сора жайда отлукъгъа сурам ёсгенинде кёредиле.

Башха затланы юслеринден айтханда, связь керекле, инструментлене, оборудование, техника эмда электроника учууракъ болгъандыла.

Жыллык инфляция Къабарты-Малкъарда 6,5 процентге жетгенди. Россейни Банкны аны азайтып, 4 процентге жетдирир умутда тийишли ахча-кредит ишни бардырып турургъа таукелди.

МУРАТЛАНЫ У.

Тапландыруу

Энтта бир жол жангыртылады

Ахыр жыллада Къабарты-Малкъарда жолланы жангыртуу жаны бла аслам иш тындырылады. Быйыл да алайды. Региону ара шахарында, районлада эмда эллени кёп



жерлеринде мадар этиледиле. Тийишли проектлени санында Чёрная Речка-Благовещенская жолну бир кесеги тынгылы жангыртыла тургъанын белгилерге боллукъду. КъМР-ни Транспорт эмда жол мюлк министерствосундан билдиргенлерине кёре, ремонт аны 12,7-километрлик кесегине этиледиле.

Бу жол магъаналыды: ол Урван эмда Прохладна районланы арасын жууугъуракъ этеди. Подряд организации келечилери шёндю аны жанларын тапландыруу бла кюреше турадыла. Ала тынгылы болсала, алайтын журюген транспортха бютюн къоркыуусуз боллукъду, жолну юсюнде жауун суула да жыйыллыкъ тыйюлдюле.

Ишлени барын да быйыл кюзно ахырына дери бошаргъа керекдиле.

Тынгылы иш бардырылады

КъМР-ни Транспорт эмда жол мюлк министерствосундан билдиргенлерича, Нальчикде жолла сыйдам эм къоркыуусуз болурча иги



жолчукъланы ишлейдиле эм башха жууушланы да тамамлайдыла. Саулай алып айтханда, Нальчикде машинала аслам журюген жолладан сора да, энчи республикалы программагъа кёре башхаларына да къараллыкъды. Жашау журтлагъа элтген тар орамчыкъла да унутулукъ тыйюлдюле. Алагъа ахча энчи республикалы программалы кёре бёлюнюрюкдю.

Эсге сала айтсакъ, быйыл Къабарты-Малкъарда жолланы 130 километрге жангыртылып, шёндюю мардалагъа келиширча боллукъду. Ол санда федерал трассаланы — 30, регион жолланы — 80 эм муниципал магъаналылары да 25 километри жангыртыллыкъдыла.

Орамла айбат боладыла

Нальчик шахар округну Хасания элинде Брестская, Киевская, Летняя эм М. И. Тогузаев атлы орамларында ремонт ишле бардырыла турадыла. Битеу да тапландыруу жумушла бардырыллыкъ жерлени узунлуклары 2,3 километрден асламды, деп айтылады КъМР-ни Башчысыны Администрациясыны МАХ-да каналында.

Къабыл этилген проектге кёре жолла тохташдырылгъан мардалагъа келтирилликдиле. Алгъа транспорт журюген жерле жангыртыллыкъдыла, орамгъа чыкъгъан, къошулгъан жерле эм энчи юйлени тийрелери да тапландырыллыкъдыла, жолну эки жанына бордюрланы саллыкъдыла, къурулуш ишле толусунлай бошала, жол белгилени этерикдиле эм орнатырыкъдыла.

Бююнлюкге тёрт орамгъа да асфальт салыннганды, жолла бир бирлерине къошулгъан жерледе эм юйлени къаттарында ишле бардырылгъандыла, эски люкланы алышып бошагъандыла. Шёндю Киевская орамгъа чыкъгъан жерлеге ремонт этиле турады, къурулуш ишле бошалсала, специалистле жол белгилени орнатырыкъдыла. Андан сора да, Киевская эм Летняя орамлада жолланы тюзетир муратда кыйматлыгъа саналгъан жалгъан амалланы хайырланырыкъдыла.

Башда сагъынылгъан орамлада битеу белгиленген ишле бошала, къоркыуусузлукъну жалчытуу жаны бла хак игиленирикди, деп айтылады билдириуде.

УЛБАШЛАНЫ Мурат,
КУРДАНЛАНЫ Сулейман
хазырлагъандыла.

Къабарты-Малкъар Республиканы Башчысыны «Аскерчилеге, башха къауумладан инсанлагъа эмда аланы юйюрлерини келечилерине къошакъ халда социал болушлукъ этиу амалланы юсюнден» 2022 жылда 24 сентябрьде чыгъарылгъан 92-УГ номерли Указыны 5-1 пунктна тюзетиу кийириуню юсюнден Къабарты-Малкъар Республиканы Башчысыны

УКАЗЫ

Къабарты-Малкъар Республиканы Башчысыны «Аскерчилеге, башха къауумладан инсанлагъа эмда аланы юйюрлерини келечилерине къошакъ халда социал болушлукъ этиу амалланы юсюнден» 2022 жылда 24 сентябрьде чыгъарылгъан 92-УГ номерли Указыны 5-1 пунктна тюзетиу кийирирге,

Къабарты-Малкъар Республиканы Башчысы
Нальчик шахар, 2026 жыл 10 сентябрь, №95-УГ

К. КОКОВ

Алгышслау

«Халкъларыбызны бир къагар эм ёмюрлюк шүёхлукъ бирлешдиредиле»

КъМР-ни Башчысы **Казбек Кокков** Ставрополь крайда жашагъанлагъа эки байрамлары бла байламлы алгышслауун жибергенди. Аны юсюнден регионну оюнуусуну МАХ-да каналында да жазылады.

Ставрополь крайны адамлары, төредеча, эки байрамларын белгилейдиле — Крайны кюнюн эмда Ставрополь шахарны кюнюн. Битеу жорегимден багалы къошуларыбызны бу байрамла бла алгышлаймы!

Ставрополь край Россейни кыйматлы жерлеринден бириди. Кыйырсыз сабанлары, багъу суулары, бай тарых эм маданият хазналары ёмюрледен бери да адамлагъа магъаналы таянчаклыкъ этип келедиле.

Къабарты-Малкъар бла Ставрополье, жаланда къошула болуп къалмагъанлай, бир къадар эм ёмюрлюк шүёхлукъ бла байланган халкъ-

ладыла. Биз не заманда да бирге болгъанбыз: бирге — къууанчлада, жарсыллада, бирге — ёз жерибизде мамырлыкъ эм келишиулюк ююн.

Битеу Россей бла бирге бизни халкъларыбыз бююнлюкде Ата журтубузну жалынчакъсызлыгын бла къоркыуусулугун да сакълайдыла. Битеу жорегимден хурметли коллегам эмда отурлу тегим — къарындаш Ставрополь крайны губернатору Владимир Владимирович эмда крайны битеу халкъын байрам бла алгышлаймы! Ставрополье ышангылы алга барсын, жангы жетишимлеге жетсин эмда магъаналы ишлени жашаугъа кийирсин. Аллында жалаанда ахшы турлениуле бла хорламла болсунла!

Крайда жашагъан хар инсаннга саулыкъ-эсенлик, насып, жетил жүрек эмда ёз регионну бла битеу Россейни игиликлерине деп бийик жетишимле тежейме!

Айныу

Миллет проектни чеклеринде — солуу тийре

Чегем шахарда шёндюю излемлеге келишген жамауат тийре къурала турады. КъМР-ни Къурулуш эм ЖКХ министерствосундан билдиргенлерине кёре, ол анда Кыбыла деген жангы микрорайонда юч гектары алып, солуу эмда заманны зауукълу ётдюроу жер боллукъду.

Анда уа «Шахар ычындырмайды» деген проектге кёре жаяу журюрге суйгенлеге жолчукъла, шош солуыма дегенлеге тийишли жерле, сабийлеге ойнарча эмда спорт бла кюреширча комплексле, сора фонтанлары бла майдан боллукъду. Ол бары да «Жашау этерге инфраструктура» миллет проектни чеклеринде этиледиле.

Ишле шёндю тири барадыла, подряд биригиуню къурулушчулары фонтанны хазырлай турадыла. Ары



дери уа анга жер туюу бла битеу коммуникацияланы созгъандыла, бетондан орунда жарашдыргъандыла. Дагъыда жолчукъла ишлене турадыла, майданчыкълагъа уа спорт эмда оюн оборудование салыргъа хазырланадыла. Ызы бла тийреде мингден артыкъ

терек эмда юлкю орнатырыкъдыла.

Бу алапат жер сагъынылгъан микрорайонда жашагъанлагъа, башхалагъа да солургъа эмда заманларын зауукълу ётдюроуге онг берликди, деп белгилегендиле министерствода.

ОМАРЛАНЫ Мурат.

ОГРАНИЧЕННЫЙ НАБОР
в подразделения БПЛА
Возможность уволиться
по окончании контракта

6 500 000 РУБ.
ЗА ПЕРВЫЙ ГОД

3 500 000 РУБ.
ЕДИНОВРЕМЕННО

Списание долгов
до 10 млн. руб.

ОБРАЩАТЬСЯ: г. Нальчик, ул. Идарова, д. 198 Тел.: +7 (952) 579 03 45

Хурметли жамауат!
«Заман» газетни МАХ-да кесини каналы барды. Сизни ары къошулургъа чакъырабыз.
https://max.ru/id/725009184_gos4

Хурметли жамауат!

Телефонугъуз бла бу QR-кодну хайырлана, «Заман» газетте 5 айгъа жазылыргъа онг барды. Алайды да, жазылыгъыз, быйылгъы жылда газет бла бирге болугъуз!

Басхан сууну боюнундан —
уллу дуниягъа

3 бет



Быйыл окъуугъа киргенле
бла — ачыкъ ушакъ

3 бет



Футболчуларыбызны
жетишимлери

4 бет



КъМР-ни Башчысы

Излеу-къутхарыу жумушла бошалгъандыла

Алгъаракъда Бызынгы тарда таудан къар-буз къатыш тошюп, аны тюбюнде бир ненча альпинист къалгъан эдиле. Жарсыугъа, аланы бир къаууму өлгенди. Табылмай къалгъанланы излеу-къутха-рыу ишле уа тохтаусуз бардырылып тургъандыла. Энди ала да тохтагъандыла. Аны юсюнден КъМР-ни Башчысы **Казбек Коков** кесини МАХ-да каналында былай жазганды:

- Бызынгы тарда таудан къар-буз къа-тыш тошгенде ауушханланы ёлюклерин излеу иш тюнене бошалды. Къутхарыу-чула аланы барын да (битеу да онжети-си) тапхандыла. Ол жеңгил туююл эди, ишле бек къыйын болумда бардырылып тургъандыла. Алагъа Россейни МЧС-ини – Элбрус бийик тау эмда Шимал Кавказны регион излеу-къутхарыу

Белгилеу

Ана тил — керти байлыгъыбыз

Россейни халкъларыны тиллерини кюнлерине аталып, Къабарты-Малкъар-ны билим беруи эмда маданият махке-мелеринде жарыкъландырыу тобешиу-ле къуралгъандыла. Аны юсюнден бизге КъМР-ни Жарыкъландырыу эм илму министерствосундан билдиргендиле.

Нальчикде «Кюню шахарда» юйренн-генле ёз тилдеде назмула окъугъандыла, миллет төпсеуле да къошулгъан хорео-графия композицияны кёргозтгендиле. Сабиллени бла каш тёлюню къаласын-да «Юч тил – бир Ата журт» деген чыгъ-армачылыкъ тобешиу къуралгъанды, аны чеклеринде къабарты, малкъар эм орус тилдеде жырла эшитилгендиле. Алай тобешиуле республиканы мада-ниги юйлеринде бла мектеплеринде да озгъандыла.

2025 жылда Россей Федерацияны Президентини указы бла къуралгъан байрамны Россейде халкъланы бирли-клерини жылында биринчи кере белги-легендиле.

- Бизни къыралда эки жюзге жууукъ халкъла бла миллетле шувёлюкъда бла келишиулюкде жашайдыла. Аланы тил-

СВО

Баш кечиндирирге, юйюрлерини кереклерин жалчтыргъа — онг

Социал келишим энчи аскер операци-яны ветеранларыны предприниматель башламчылыкъларына себеплики баш амалларындан бири болгъанды. Аны хайырындан Ата журтну къоруулаучу-лары бла аланы юйюрлери кеслерини ишлерин ачаргъа, баш кечиндирирге, юйюрлерини кереклерин жалчтыргъа онг табайдыла.

2026 жылны сегиз айыны ичинде къыралда СВО-ну ветеранлары 2800 келишимге къол салгъандыла. «Ата журтну къоруулаучулары» федерал фондну регионлада бёлюмлери 4912 эсгертиу бергендиле. Асламында вете-ранла эл мулк, къорулуш, машиналаны жангыртуу бла кюреширге сыйгенлерин билдиредиле.

Саулукъ

Байламлыкъны

къыйматлыгъын сезе

Быйылгъы жылны башындан бери «Узакъ ёмор эм тири жашау бардырыу» миллет проектге кёре Къабарты-Мал-къарда 20 минг чакълы телемедицина байламлыкъ бардырылгъанды, деп билдиредиле КъМР-ни Саулукъ сакълау министерствосундан.

Бююнлюкде сагъынылгъан къыймат-лы амал регионну оналты уллу медици-на организациясына къыралны федерал даражалы медицина аралары бла бай-ламлыкъ жюрютюрге онг береди. Аны чеклеринде врачла къыйын саусузгъа тийишли болушлукъ тапдырырча амал-ланы сюездеиле, ол санда тюз диагноз салыргъа, багъаргъа юйретедиле эм бир бирлерине сынамларын билдиредиле.

Эсге сала айтсакъ, сагъынылгъан кезиуде республиканы медицина уч-

Чаришле



Къумалы атла, сынамлы атлыла да эришгендиле

Кёп болмай билдиргенибизча, озгъан жылны кюнде Нальчикде «Минги тауну кубогу-2026» халкъла аралы чаришле бардырылгъандыла. Бу жумушну кура-гъанла аны КъМР-ни Башчысыны сау-гъасына, Минги тауну Кубогуна эмда республиканы Къыраллыгъыны кюнюне атагъан эдиле. Ипподромгъа къумалы атла бла алчы аттыла, юйретиучоле, спортну бу тюрлюсюн сыйгенле жый-ылгъандыла.

Кубок ючюн эришиу 2400 метр узун-лукъда ётгенди, анга юч эмда андан кёп-жыллыкъ алты чабыучу ат чыкыгъанды. Бу чаршини саугъа фонду бир миллион сом эди. Къызыу эришиуде биринчи жерни Эридан ажир алгъанды (атлы Гусейн Гусейнов). Сагъынылган 2400 метрни ол 2 минут бла 30,5 секундха ётгенди.

къаумлары, Ставропольну, Къарачай-Черкесни, Ингушетияны, Чеченни эмда Шимал Осетияны келечилери, «Лидер» араны, «Бызынгы» альпинист лагерьни эмда башха ведомстволаны адамлары къатышхандыла.

Россейни МЧС-ини, Росгвардияны эмда «Хелиэкшн» компанияны пилот-ларына, КъМР-ни Къыйын болумланы медицина арасыны келечилерине, ре-спубликаны от ёчюлтюучо-къутхарыучу къауумуна, Сюд-медицина экспертиза-ны бюросуну ишчилерине ыразылыгъы-мы билдирирге соеме.

Ёлгенлени жуукъларына бла ахлула-рына кыйгъы сёз береме, жаралы бол-гъанлагъа уа аягъы юслерине теркирек сюелирге тежейме.

УЛБАШЛАНЫ Мурат хазырлагъанды.

лери, энчи адет-тёрелери бизни бирлеш-дирген байлыкъды, ала Россейни керти къыйматларыдыла, - деп белгилегенди бу кюн бла байламлы сёзюнде къырал Башчы.

Эсигизге салайыкъ, Россейни халкъ-ларыны тиллерини кюню белгилги со-вет поэт Расул Гамзатовну, «Журавли» деген ёлюмсюз назмуну авторуну, ту-гъан кюню бла байлашдырылгъанды. Поэт чыгъарманы кесини ана тилинде жазгъанды. Орус тилге кёчюрюлюп, ол назму айтхылы алай атлы жырыны мурдорун къурагъанды. Кёп миллетли Россейни халкъларыны тиллери алай бла бир бирлерин байыкъландырадыла.

Къабарты-Малкъарда ана тилде сёзге уллу хурмет этедиле – ол кеп тёлюлени бир бирден ёте келген керти хазнала-рыды.

Россейни халкъларыны тиллерини кюню, бизни барыбызгъа да кесибизни энчилигибизни сакълауну магъаналы-лыгъын энтта бир эсгертип, бирликини бла бир бирни ангылауну, бирге келлик кюннге ышаныулюкъ бла къарауну багъ-аларгъа юйретеди.



ТИКАЛАНЫ Фатима хазырлагъанды.



реждениялары федерал арала бла 2784 англылату жаны бла видеобайламлыкъ къурагъандыла. Ол Россейни Саулукъ сакълау министерствосуну башхалагъа кирирге эркинлик берилмеген энчи систе-масыны амалы бла бардырылады. Аны баш магъанасы саусузну юсюнден информация ачыкъ болмазча къоркчу-усузулкъну жалчытыуду.

МАГОМЕТЛАНЫ Сулейман.

ЗАМАН



Келир беш жылны ичинде 3 миллион юйорню жашау болумларын игилендирирге белгиленеди. Жыл сайан 5 миллион сабийни саулугъуна къараллыкъды. Аны бла бирге социал инфрастр-кура айнытылады: школа, сабий садла, чыгъармачылыкъ арала ишлетиледиле. Социал себеплик кючюн тас этмейди. Санкцияла кийирилген кезиуде да социал политика тохтамагъанды. Битеу салынган борчла толтуруладыла, инсанлагъа себепликини системасына жангы мадарла эм программала кийириледиле.

Энчи аскер операциягъа къатышханлагъа эм ветеранлагъа болушлукъ. «Единая Россия» Къырал Думаны къауумуна СВО-гъа къатышханладан уллу къауумну кёргозтеди. Ветеранланы эркинликлерин къоруулагъа бурулгъан 160 закон къабыл кёролгенди. Дагъыда энчи аскер опе-рациягъа къатышханлагъа жангы усталыкъгъа юйренирге, кесине бизнес ачаргъа сыйгенлеге болушхан программа тамамлананды.

Баш байлыкъ адамдадыла, аланы ырахматлы жашаулары, юйорлеге болушлукъ, къыралны келир кюнюню ышаннгылыгъын жалчытуу. «Единая Россияны» халкъ программасында инсан-лагъа себеплик жаны бла борчла барысы да толтурулукъдула.

Бююгн къыралыбызгъа къоркъуула бардыла. Ата журтубузну эм инсанланы сейирлерин сакъ-ларгъа, кесини ызындан эптирге, башчылыкъ этерге онгу жалаңда халкъ бла бирге болгъан, адамла бла бирге сынауладан ётген, кесин керти ишледе кёргозтген политика кючю барды.



Сайлаугъа къатышыргъа чакъырадыла

Къабарты-Малкъар Республиканы Айырыу комиссиясы билдиргеннге кёре, «Эм иги айырыу участок-2026» деген эришиу башланады. Аны му-раты – республиканы айырыу ко-миссияларыны ичинде шёндююлю, адамла къыйналмай жумушларын тамамларча эм заманны да излемине келишген эм иги айырыу комиссияны сайлауду. Башхача айтханда, сизни айырыу участогугъуз тюз сагъат кибик ишлей эсе, айырыучуланы онгларын билип, ала жумушларын тамамларгъа тийишлисича кыйгъыра эсегиз эмда айырыула бардырылгъан кюнледе аланы байрамгъа ушатып ётдорюрге кюреше эсегиз, бу конкурс сизге деп къуралгъанды.

Эришюню быллай бёлюмлери бар-дыла. Акъыллы участок деген бёлюмде къол кётюрюу жумушну, чырмаусуз

терк бардырыу эм хар затны да адам-лагъа таплыкъгъа деп къурагъанлагъа деп эс буруллукъду. Айырыулагъа къатышханлагъа бирча онгланы къуруу деген бёлюмде айырыу комиссияла айырыулагъа къатышханланы хар тюрлюсюне да тенг онгланы къалай къурагъанларына къарарыкъдыла. Чыгъармачылыкъ участок деген бё-люмде айырыула баргъан кюнлени чынтты байрамгъа къалай бургъан-ларына, къонакъбайлыкъ эм башха жарыкъ башламчылыкъларгъа да эс буруллукъду.

Эришиуге деп хазырлагъан матери-алланы Къабарты-Малкъарны Айырыу комиссиясына 7 сентябрьден башлап 12 октябрьге дери келтирирге боллукъ-ду. Бу конкурс бла байламлы битеу излемле КъМР-ни Айырыу комисси-ясыны сайтында басмаланыпдыла.

Адамла оюмларын къоркъуусуз

халда туура этерча

Россей Федерацияны Ара айырыу комиссиясыны (ЦИК) таматасыны орунба-сары Николай Булаев къыралны регионларыны башчылары бла бардырылгъан кенгешледе къол кётюрюу кюннге хазырланыу къалай баргъаныны юсюнден хабарлагъанды. Жыйылыулагъа РФ-ни субъектлерини баш оюнучулары, феде-рал къырал органланы жер-жерли управленияларыны таматалары, федерал округлагъа кирген субъектлени айырыу комиссияларыны председателълери, андан тышында регионланы къырал эмда жер-жерли самоуправление органла-рыны келечилери къатышхан эдиле, деп айтылады ЦИК-ни сайтында чыкыгъан билдириуде.

«Энди бардырыллыкъ айырыула бек къыйын болургъа ушайдыла, нек дегенде аладан бизни къыралыбызда бек кёп зат къалады. Аны себепли бу жумушну эсе-плери Россейни кючлю этер ючюн, биз къолубуздан келгенни аямазгъа керекбиз, деп мен алай ойлайма», — деп чертгенди Николай Булаев.

Кесини сёлешиююнде ол быйыл 20 сентябрьге белгиленнген айырыулагъа хазырланыу къалай баргъаныны юсюнден шартла бла шагъырейлендиргенди. Ол санда кандидатланы санын эмда политика партияладан кандидатланы тизмелерин туура этгенди, жашагъан жерлеринде эмда электрон халда къол кётюрюрге сыйгенледен берилген заявенияланы юсюнден да билдиргенди. Кенгешледе «Выборы» 2.0 къырал автоматизация системада къол кётюрюючу-лени эсеплеген эмда аны башха кесеклерин игилендириуде жетишимлени да энчи ачыкълагъанды ол.

«Къол кётюрюуде хайырланылгъан мекамлада къоркъуусузулкъну битеу власть органла бирикмей тамамлагъан къыйын боллукъду. Алай къалгъан бир айны ичинде биз регионлада коллегаларыбыз бла бирге аямай кюрешип, кесини оюмун ачыкъларгъа сыйгенлеге ол къоркъуусузулу болурча этерге таукелбиз», – дегенди ЦИК-ни таматасыны орунбасары.

Айтханына кёре, бу жаны бла бардырылгъан ишге айырыуланы къурагъанланы электрокюч бла къыстырыкъ халда жалчытуу, энтта да металлодетекторла ор-натыву эмда къол кётюрюу жумушну къошакъ амалланы хайырланып тамамлау да киреди.

Геююрге кюн, къыркъаууз ай (сентябрь), 15, 2026 жыл

Интернет-версия: smikbr.ru/zaman



ВРАГ ДОЛЖЕН БЫТЬ УНИЧТОЖЕН!



Къырал Думаны

IX чакъырылыууну (2026)

депутатларын айырыулада

«ЯБЛОКО» партияны

программасы

МАМЫРЛЫКЪ ЭМДА

ЭРКИНЛИК ЮЧЮН!

КЪОРКЪУУСУЗ ЖАШАУ

ЮЧЮН!

Урушну тохтатыуну юсюнден кели-

шим этилир, сёлешиуле бардыры-

лыр эмда мамырлыкъ тохташдыры-

лыр ючюн!

Муратыбыз – ядерный урушну

болдурмазгъа!

Къоркъууладан азат болгъан эмда

политика зорлукъ этилмеген Россей ючюн!

Жашауну сакълар, адамгъа хурмет

этилир, аны сыйын тюшюрмеу эмда

ырахат жашауу ючюн!

Муратыбыз – жашнагъан демокра-

тиялы Россей!

Бизни ниетлерибизни бла оюмларыбызны дурус

кёре эсенг, 17-чи номерли «Къабарты-Малкъар

Республика» бир мандатлы айырыу округдан

депутатха кандидатха кёргозтюлген

ТАППАСХАНЛАНЫ АНУАРНЫ къызы АМИНАТ

ючюн къол кётюрюрге чакъырабыз.

Эсде тутуу

Басхан сууну боюнундан — уллу дуниягъа

Къабарты-Малкъарны халкъ поэти, жазычу, драматург Адам Огурлуевич Шогенцуков 1916 жылда Орус Басханда тууганды. Бир заманда анга - Кучмазокъ къабакъ, артда Басхан къала дегендиле. Анда эл школну төрт классны бошагъанлай, атасы аны Ленин окъуу шахарчыкъда келтиргенди. Анда жети классны, ызы бла педтехникумну да бошاپ, Адам 1936 жылда андан устаз болуп чыкъгъанды. Ызы бла Бештауда Къабарты-Малкъар педагогика институтха кирип, анда окъугъан да этгенди, ана тилден дерсле да бергенди. Окъуп къайтханлай, аны тууган элинде школгъа завуч, ызы бла директор этгендиле.

Жазуу иш бла студент заманындан кюрешгенди. 1939 жылда аны СССР-ни Жазыучуларыны союзуна тийишли кѳргендиле.

Уллу Ата журт уруш башланнганда, ары кетип, аны ахырына дери Адам Огурлуевич фронтта болгъанды. Къазауат жоллары аны Кавказдан Чехословакиягъа, Венгриягъа дери элтгендиле. Анда этген жигитликлери ючюн иги кесек орден, майдал бла да саугъаланганды. Аладан энчи айтырча – Ата журт урушну биринчи даражалы орденни бла.

Андан къайтхандан сора, Адам Шогенцуков илму-излем институтта тамата илму кыулуқкучу болуп фольклор жаны бла ишлегенди, пединститутта дерсле бергенди.1954 жылда аны Къабарты-Малкъарны культура министрини кыулугъуна салгъандыла 1958-1960 жыллада уа Москвада адабият курслада окъугъанды. Андан сора - «Ошмамахо» журналын баш редактору, солургъа кетгини 20 жылны Къабарты-Малкъарны Жазыучуларыны союзуну таматасы болуп тургъанды. Ол кезиуде жамауат жашауыгъа да тири къатышханды, бир ненча керѳе депутатха айырылгъанды. Аны «От сердца к сердцу», «Предгрозе», «Доброта земли», «Земная радость», «След в сердце», «Дороги», «Поющее зерно», «Всю ночь шел дождь» деген эм башха акъ сѳзлю, «Весна Софийт», «Назову твоим именем», «Светлое окно», «Встреча», «Погожая осень», «Пожь без ног», «Обида Куны» деген къара сѳзлю китапллары чыкъгъандыла.

Назмуларында бла поэмаларында Адам Шогенцуков урушну бла мамырылыкъны, адамны бла табийгъатны, сиймекликини, урунууну юслеринден жазгъанды. Стиль жанын алып къарасанг, башха аз адам саны халкълада, тамам ол заманда башланган

эди къабарты поэзияда да акъ сѳзню, поэма, лирика, эпика, инсан поэзия деп, жанрлагъа бѳлюу. Аланы кый-сында да ишлеп, Адам Огурлуевич сонет форманы да биринчи юлгюлерин жазгъанды. Бу торлю назмула лирика сѳзимни жюрютгенлерин эрттеги италиялы, француз, инглизет сонетледе – аланы биринчи тууган жерлеринде – кѳрүп турабыз. Болсада, ѳсюнуу, айынуу ахыры жоқъду. Адам Шогенцуковну сонетлерини темасы кыйда кенгди: сиймеклик, уруш, табийгъат, урунуу...

Кесим танып айтама, жумушакъ, жууаш адам болуучу эди Адам Шогенцуков. Поэзиясы да анга ушайды. Бирде уа, аны ич дуниясын ача, назму кенглигинде эсингде жашап турлуқъ суратла къурайды. Заманын излемине кѳре, кыйралда болгъан жангылыкъланы, сѳз ючюн, Басхан ГЭС-ни уллу кырулушуну, колхоз жашуну, махтан да жазгъанды поэт. Ол кезиуде кѳлле жаза эдиле алай. Ол назмуланы заманлары кетгенди дейди, болсада алада бизни тарыхыбыз сакъланнганы хақъды. Аны бла бирге халкъны жорек кѳторюмлюго да.

Озгъан ѳмюрге адамланы жашулары кыалай эсе да артыкъ магъаналы эди. Ахчасыз-бохчасыз, омакъ ийсоз, бийик кыулуқъсуз болуп тургъанлай да, ала насыллыла, кенг жореклиле, таукелле эдиле. Биз бюгюн, харкюнго кѳрегибизни излетген кыйгыыла басып, жашуну, жуууқълыкъну-тенглики алача сыйламайбыз, багъалай билмейбиз. Поэтни назмуларын, поэмаларын окугъан ол шартланы кѳз аллына келтирмей амалы жоқъду. Сиймекликини юсюнден да ол алапат жазгъанды:



*Санга кюннге баргъан кибик бардым.
Угъай дединг, кече бетин алдынг.
Кечеча, сюелдим ол сен келип жолда,
Алай... келди жарыкъ, анда сен тас бола...*

*Мен ай болама деп не кюрешдим санга!
Сен, жан да аурутуп, былай айтдынг манга:
– Шо, бош алай бир сий! Адамча сий мени!
Не ай, не кюн болуп, кыйынамай кесинги.*

Поэт табийгъат суратлауну устасы эди:

*Басхан суу туура кыуанчында
Бийикледен келеди сюзюлюк,
Кюнден тол къарлы ауушунда
Къайны терек турады сюелип...*

Неда:

*Жаз жыллы сууп, кетип барады,
Къарагъанча кюн да тумандан,
Бийикден къанат тауш чыгады,
Туринала кетедиле мындан...*

Таулагъа аталгъан да кѳп эсде кыалырча назмусу барды поэтни: «Пермонта», «Булутла кыалыныгы-ында», «Таугъа чыгыу», «Жылларым – мени тауларым», «Бийикле», «Къая» эм башхала. Назмучу тауланы бѳк сийгенди, аланы кѳп торлю суратларын да этгенди.

Адам Шогенцуков къара сѳз бла жазгъан повестелери бла айтылгъаны сѳзсюзюдо. Жаш заманыбызда аны «Сени атынгы атарма» деген

повестин бирден бирге ѳтдюре, алай окъугъаныбыз эсимдеди. Мусабийни бла Залинаны ариу сиймекликлери алай юзюлгенине, аланы насыпсыз къадарларына жарсымагъан болмаз эди. Аны, «Софиятны жазы» деген повестыни да орус тилге кѳчюрюлгенлери жазыучуну кыралыбызны не жеринде да танытханды. Анга келген къагытланы саны жоқъ эди.

Жазыучуланы союзуну башчысы болгъан къадарда, ол кыолуна къалам алгъанга сансыз болмагъанды. Жаш жазыучуланы да таймай кеси бийигине кѳторюрге кюрешгенди. Анда Къай-сын бла Адам ишлеген кезиуде Союзу хауасы окъуна башха эди. Юйорлери бла жазыучуланы солпу юйлеринде отпускларын ѳтдюргенле бюгюн да эсгердиле аны. Узакъ-жуууқъ жерле бла байламлыгъ а?! Ол кеси жазыучу нѳгерлери бла Тюркде, Венгрияда, Австрияда, Ливанда, Финляндияда, Сирияда, Германияда, Болгарияда, Польшада да болгъанды. Аны назмуларын Наум Гребнев, Инна Кашежева, Римма Казакова, Борис Дубровин, Семѳн Липкин, Михаил Кирѳев, башхала да кѳчюргендиле орус тилге.

Къалайда жашасала да, жазыучула бир бирге къарындаш болгъанларын унутмагъан жылла эдиле ала. Студентлеге стипендия къурап, кѳчюрмеле берип, аны бла онг тапдырыгъа кюреше эдиле Союзу таматалары. Бир кыауум жаш адам жетип, Союзу кыауумлагъа бѳле башлагъанда, сѳзсюз, кѳплени жюреклерине жара тюшген эди. Уллу жазыучулагъа жандаурулуқъ, хурмет этиу болмай, адеп-къылыкъ тозурап, аланы фахмуларын малтарга, махтауларын сыйырыгъа кюрешгенле аны ючюн бийик болмадыла. Тышында игилерибизни эсгере, алгъа жарыкъ баш эселе да, танып тургъанла уа ол кюнлени унутмайдыла. Ол кыйын кезиуде Адам Огурлуевич, сагыш этмей, сѳзюн айтмаучу жууаш адам, кыалай жарсыгъаны эсимдеди. Алай ол заманда да аны бетинден жыллы урғаннору, жуашлыгы, жумушакъ жасыну кетмегенди. Ол ич таукеллигин тас этмегенди, хар не да тап болуруна ийнанганды. Аны жанында сабыр шошлуқъгъа тынгыларгъа, андан юйренирге кѳлле киргендиле ишчи отоууна.

Адам Шогенцуков кѳзлери кюле тургъан, мангылай жарыгы узакъдан танылгъан, тѳгериге ырахатлы эте билген поэт эди. Бюгюн ол шартла аны назмуларын да жарытадыла.

МУСУКАЛАНЫ Сакинат.

Билим

Быыйл окъуугъа киргенле бла – ачыкъ ушакъ

Окъуу жылны аллында Къабарты-Малкъар университетде ректорну кыулуугун толтургъан Юрий Альтудов биринчи курсда окъурукъ хунерли студентле бла тюбешгенди. Быллай студентле уа талай жылдан бери мында ахшы тѳреге айлангандыла.



Быыйл КъМКъУ-гъа Бир кыырал сынаулада бийик баллагъа тийишли болгъанладан жоюз адам киргенди. Аланы арасында алтаулан а башха-башха дерследен 100 балла алгъандыла. Тюбешуно кезиунде ачыкъ ушакъ багъанды эмда студентле билирге излеген затларыны юслеринден соруула бергендиле, окъуу юйно онгларын да билгендиле.

Тюбешуно ача, Юрий Альтудов университетни бийик жетишилмери юслеринден айтханды. «Интерфакс» билдириуле агентствода басмаланган бийик окъуу юйлени Миллет рейтинглерине кѳре, 2026 жылда КъМКъУ топ-50 тизмеге тюшгенди эмда, Россейни эс ахшы вузларыны RAEX-100 рейтингине къошулуп, кесини даражасын бегитгенди. Андан тышында да, университет академиялы алчылыкъны «Приоритет-2030» программасына киреди, аны алайлыгы уа ышангылы илму проектлени айнытыргъа онг берликди.

- Биз хар жаш адамгъа да кесини хунерин ачыкъларгъа, айныргъа да амал болурча энчи онгланы кыурайбыз. Муратыбыз: ала окъууларын бошар заманнга ахшы билимли эмда кеслерини жерлерин тапхан устала болурча юйретмудю, - деп чертгенди Юрий Камбулатович.

Кесини билимини юсюнден соруугъа жууап бере, анга кыралны юч белгили университетинде окургъа къадар насып бергенин айтханды. Ол, КъМКъУ-да, МИФИ-де, МНЭПУ-да билим

алгъанын хапарлай, Советлени кыралыны кезиунде хунерли жаш тѳлего тутхулуқъну, кыйгырыуну да эсгертгенди. Студентле тургъан жерге келип, Нобель атлы саугъагъа тийишли болгъан Николай Басов жаш адамла бла энчи халда тюбѳп, ала бла ушакълашып, илму жаны бла сейрлерин кыозгъарга, аныламагъан затларын тюшюндюрюрге къошумчулуқъ этгенини юсюнден айтханды.

Ушакъны кезиунде энчи эс тарихли технологияланы эмда жалгъан акъылны айныуларына бурулгъанды. Юрий Альтудов окъуугъа энди кирген жашлагъа бла кыызлагъа хар неге да эс бурургъа, сейр этерге чакъыргъанды.

- Сизни баш борчугъуз: сорууну тюз бере билиудю, эшитген, билген затыгъызны магъанасыны юсюнден сагышланыуду. Жалгъан акъыл сиймеклик, ийнаныу, адамланы арасында бир бири бла келишу дегенча темалагъа сейрсиналмаиды, соруу да салалмайды, бу жаны бла сизни ангылауугъуз ючюркюди, - дегенди.

КъМКъУ-ну жетишиллерин белгилей, окъуу юйно таматасы тѳрели университетни илму ызларыны бирлешуун чертгенди. Юлгюге уа вузун Россейни Минпромторгуну эл молк эмда авиациялы техникалагъа резин чархланы жарашдыры ючюн жангы кыатышмаланы (смес) чыгарыу жаны бла уллу эришиунде хорламын келтиргенди.

- Ол борчну тамамлар ючюн, жаланда химия неда физика бла чекленип къа-

лынмагъанды, анга филологла, жалгъан акъыл жаны бла устала да керек болгъандыла. Аллай дисциплинала аралы кыауумну уа кыуаргъа жаланда тѳрели университетни келикди кыолундан, - деп ангылатханды окъуу юйно башчысы.

Тюбешууде, андан сора да, вузда хунерли жаш тѳлего тутхулуқъ этуноу алагъа деп кыуаралгъан онгларыны юслеринден да эсгертгенди. Былайда сѳз бийик балла бла окъуугъа киргенлеге эмда халкъла аралы илму конференциялада жетишилми болгъан студентлеге бѳлюннген ырыскы саугъаны юсюнден багъанды.

«Приоритет-2030» программалгъа къошулгъаны бла бирге, КъМКъУ «Сѳербанк» ПАО, «Яндекс» эмда «Тинькофф» компанияла бла, «Курчатовну институту» Миллет тинтиу ара бла да байламлыкъланы тири айнадыла. Аладан экспертлени университетте дайым да келгенлери энди тѳреге айланганды. Ала, студентлени алчы практикала эмда технологияла бла шагъарейлендирип къалмай, кеслерин проектлерине кыатышырыкъ хунерли жаш адамланы да излейди.

Юрий Альтудов жашланы бла кыызланы алчылыкъны ышанларын айнытыргъа, университетни жашаууна тири кыатышыргъа чакъыргъанды. Ахырында уа тюбешуге жыйылгъанла барысы да бирге суратха тюшгендиле.

ТРАМЛАНЫ Зухура хазырлагъанды.

Кыуанч

Адамланы бирикдирген байрам

Чегем районну администрациясындан билдиргенлерича, кѳп болмай Россейни халкъларыны тиллерини кюнюне аталып Чегемде Хорламын паркында «Мени юйорюм – Россей» деген этнофестиваль бардырылгъанды.

Эсге сала айтсакъ, быыйл бу байрам Россейни Президенти Владимир Путинни башламчылыгы бла биринчи кѳре белгиленеди. Ол ана тилибизни магъаналылыгын, тѳлолени байламлыкъларын, кыралыбызны халкъларыны маданият хазналарын сакълаугъа уллу жууаппылыкъны эсге салады. Тил, адет-тѳреле, миллет кийимле - ала барла да миллетни маданиятын, энчилигин кѳргюзтген шартладыла. Бу затла кыайсы миллетни да бетин ачыкъларгъа себеплик этедиле.

Ол кюн кыонакъланы бай программа сакълагъанды. Ол санда миллет арбазла кыуаралгъандыла. Аланы



миллет, тарых энчиликлери, ашлары кеслерине кѳплени тартахандыла. Андан сора да, эртте заманланы адырлары, миллет кийимле, кыолдан усталаны багъалы темирледен бла ташладан этилген аберили эм башха ишлери да къараучуланы сейирге кыалдыргъандыла. Бирбирле уа, мастер-класслагъа кыатышып, кеслерини хунерлерин ачыкъларгъа да угъай демегендиле.

Ангылатуу

Ата-аналагъа себепликке

КъМР-ни Уруну эмда социал къоруула министрствосундан билдиргенлерине кѳре, быыйл республикада 5,5 мингден артыкъ юйюрге сабий сад ючюн компенсация берилгенди. Аллай болушлуқъ сабийлери кыырал неда муниципал учрежденилагъа жюрюргенлеге этиледи.

Алай бла жылы башындан бери сагынылган ахча сегиз мингден артыкъ сабийге

тѳленгенди. Саулай алып айтханда, аны ѳлчѳми 65 миллион сомгъа жетгенди.

Аны бла бирге бурунгу жылдан бери Къабарты-Малкъарда жашагъан кѳн сабийли юйорлени садик ючюн арталыда тѳлемезге эркинликлери барды. Башхаланы юсюнден айтханда, юйорню айгъа файдасы регионда жашау этерге жетерик ахчаны эм аз ѳлчѳмине жетмесе, тѳлеген

ахчаларын кыайтарырча заявление берирге боллуқъдыла. Аллай кезиуде кыарал биринчи сабий ючюн ахчаны 20 процентин, экинчисине уа 50 процентин кыайтарады.

Эсге сала айтсакъ, тийишли заявлениы жашагъан жерлеринде Къырал эм муниципал жумушланы тамамлагъан кѳп функциялы эмда Уруну, иш бла жалчытыу эм социал къоруула аралада берирге боллуқъду.

МАГОМЕТЛАНЫ Сулейман.

Тау эл

Герпегеж

Адамла туугъан, жашагъан эллерин билирге сюеди-ле. Аны тарыхын, таурухун. Ол эл, тийре бла байламлы хапарланы да. Бизни эллерибиз бла байламлы уа кѳп таурухла жорюйдюле.

Бу хапарыбыз да Герпегежни юсюнденди. Артыкъ уллу болмагъан элибиз - Хасаниядан 11-12 километр жол. Бюгюнлюкде анда эки жюзден артыкъ юй барды.

Бу кюннеде элде эм абадан эр киши Биттирланы Таусогъа элени юсюнден хапар соргъан эдим. Ол Герпегежни жангыдан кыуаралгъанындан

ны Азрет бла эки уллу кыулуқъну келеди. Азрет ол заманда Къабарты-Малкъарны Баш Советини Президиумуну председатели эди.

Алгъа ала коммунистле бла хапар айтадыла, артда барысы бла да. «Герпегежни Тѳбен Малкъаргъа бергенбиз. Андан бери келип, нартох, картоф ѳсдюрюп, ары элге элтип

Азрет, биргесине Биттирланы Къади. Ол а адамланы бир элден башхасына кѳчюрген комитетни кыулуқъчусу эди. Ала айтадыла сизни жеригиз такъырды, Герпегежде эл кыуарыкъбиз, сиз ары кѳчюгюз, деп. Адамла уа Герпегежни жери такъырды, бичен ишлерге, мал тутаргъа Ривачиле тийресин бергиз, деп тилейдиле. Мокъа улл анга ыразы болады. Ривачиледен сора ол тийреледе Крандухну, Хасаубатны, Жыгышын, Тутунну, Буторуну, Ылыгынын, Уллу, Гитче кѳллени эм дагыыда бир кыауум жерни береди.

Ары дери уа Герпегеже Огъары Малкъардан Зылгыны кѳчюрюрге деп тура



келтирип, складлада тутхандыла, кюз артында уа адамлагъа иш хакълары ючюн юлешгенди. Андан сора да, колхозда болгъан берекетден юлешгенди. Бир жыл а тайла окъуна берген эдиле.

Сабийле, школдан сора фермалагъа барып, бузоула кюте эдиле. Алагъа да хакъ жазыла эди. Элде нартохню кѳбюрѳк ѳсдюрюп, трудо-деньне андан да бергендиле. Нартохню уа адамлагъа уллу ѳгюз арбала бла ташыгъандыла.

Адамла бирча ишлегенлерини хайырындан, элде ара молк терк айнып тебирейди, эки суу тирмен да ишлейди. Суу бузлагъынчы, эллиле нартохлерин, будайларын алада тартып тургъандыла. Кышхында уа, суу бузлагъандан сора, Бабу-генти башында Ийисли сууда тирменнге элтгендиле, ол суу кышда да бузламай эди.

Элде кимге да табыла эди иш. Ишине кѳре хақъы да берилгенди. Адамланы кыолайлары ѳсюп, колхоз ишден сора да, кеслерине юй-журт да ишлейди, окъуугъа да уллу эс бурадыла.

Элде юч кырулуш бригада бар эди, колхозгъа журтла ишлегенден сора да, адамлагъа да болуша эдиле ала. Элде уллу мектеп да ишленип, сабийле ары окургъа жорюйдюле. Биринчи устазла Геляхланы Фатима, Кючмезланы Ханифа, Созаиланы Мариям бла Шамса болгъандыла.

Урунууда, окъууда да эл кюнден-кюннге айный барады, адамлада жарыкълыкъ да кѳп, тюз бир юйордеча. Бир адамлада уллу иш башланча, битеу эл хазыр эди анга болушургъа. Биреулен бичен келтирсе, сенеклерин да алып, къоншула жетип, терк окъуна кыаап бошар эдиле.



башлап, бюгюнлюкге дери жашауун кѳзю бла кѳрѳюп келеди. Бу хапар ол айтханнга кѳре жазылады.

Таусо 1930 жылда Холамда туугъанды. Ата юйорю бла Герпегеже 1940 жылда кѳчгенди. Ары дери уа анда кыауум малкъарлы юй болгъанды. Ала уа бери къачан, кыалай келген эдиле?

1938жылда Огъары Малкъардан Гитче Къабартыгъа - Урожайное элге - жайырма бир юй кѳчюрюледи. Анда жангы жерлени ишлерге адам керек болгъанды. Ала анда эки жылгъа жуууқъ турадыла. Таудан баргъанлагъа ол жерни хауасы, сууу жарашмай, маллары кыырылып, адамлары безгек болуп, къаты аурулдыла. Сора артка Малкъаргъа тебирейдиле. Улоулары болмай, андан Кыашхатау бла Герпегеж ортасында Юч-Кыолгъа дери жауу келгендиле. Алайда олутруп, солуй тургъанлай, Мокъала-

турадыла. Алай этмез ючюн, былайда эл кыуарыкъбиз, Зылгыны бери кѳчюрюрге деп турабыз. Сиз да, Малкъаргъа бара турмай, былайда кыалыгъыз. Юй-журт ишлерге болушурбуз», - дейди Азрет.

Алайда жайырма бир юй-элен экиси Огъары Малкъаргъа къайтадыла. Онтогъузу Герпегежде къаладыла. Аланы араларында Османладан, Герийладан, Бѳзюладан, Уналадан, Къадырладан, Темуккуладан, Заныкуладан бар эдиле.

Ол заманда нартох бир кыарыш жерден ѳрге чыгып эди. Алай бла ол адамла Герпегежде тохтаидыла. Бахча ишлеге кыарай турадыла. Кюз артында нартохню орган кезиуде Холамдан алтымш юй кѳчюп келедиле.

Ол кезиуню юсюнден Таусо былай эсгереди:

- 1940 жылны кюз арты, элде уллу жыйлыу болады. Ары келедиле Мокъаланы

электрон почта:
bor_50@mail.ru